

SAMÞYKKT

um breytingu á samþykkt um stjórn og fundarsköp Sveitarfélagsins Garðs, nr. 99/2004 með síðari breytingum.

1. gr.

57. gr. samþykktarinnar verður svohljóðandi:

Bæjarstjórn kýs fulltrúa til fjögurra ára nema annað sé tekið fram í eftirtaldar nefndir, ráð, stjórnir og embætti á fyrsta eða öðrum fundi að afloknum sveitarstjórnarkosningum:

1. Fjármála- og rekstrarsvið.

- a) *Bæjarráð*. Þrír bæjarfulltrúar sem aðalmenn og þrír til vara, kosnir til eins árs skv. 38. gr. sveitarstjórnarlaga nr. 45/1998.
- b) *Kjörstjórn*. Þrír aðalmenn og jafnmargir til vara skv. 14. gr. laga um kosningar til sveitarstjórna nr. 5/1998 og 15. gr. laga um kosningar til Alþingis nr. 24/2000.
- c) *Skóðunarmenn*. Tveir aðalmenn og jafnmargir til vara skv. 69. gr. sveitarstjórnarlaga nr. 45/1998 (kjörnir á fyrsta fundi nýkjörinnar bæjarstjórnar).

2. Umhverfis-, skipulags- og byggingarsvið.

- a) *Skipulags- og byggingarnefnd*. Fimm aðalmenn og jafnmargir til vara skv. 6. gr. skipulagslaga nr. 123/2010. Nefndin fer með skipulagsmál sveitarfélagsins, byggingarmál, mál er tengjast breytingum og nýframkvæmdum á mannvirkjum í eigu sveitarfélagsins, þ.m.t. íþróttamannvirkjum og íþróttavöllum. Einnig fer nefndin með umferðarmál skv. 2. mgr. 116. gr. umferðalaga nr. 50/1987.
- b) *Umhverfisnefnd*: Fimm aðalmenn og jafnmargir til vara. Nefndin fer með umhverfismál sveitarfélagsins og setur fram ábendingar um það sem betur mætti fara í þeim efnum. Nefndin hefur umsjón með stefnumörkun vegna „Staðardagskrár 21“. Nefndin veitir einnig viðurkenningar fyrir lóðir og svæði sem skara fram úr fyrir snyrtimennsku.
- c) *Markaðs- og atvinnuálgarnefnd*: Fimm aðalmenn og jafnmargir til vara. Nefndin vinnur að eflingu atvinnulífsins í sveitarfélaginu og er bæjarstjórn til ráðuneytis í atvinnuálgum sérstaklega er varðar nýjar atvinnugreinar. Nefndin annast umsjón markaðs- og atvinnuálgum og gerir tillögur til bæjarstjórnar um þau mál svo og varðandi átaksverkefni og önnur mál sem varða atvinnulíf í sveitarfélaginu.

3. Fjölskyldu- og menningarsvið.

- a) *Íþrótt-, tómstunda- og æskulýðsnefnd*. Fimm aðalmenn og jafnmargir til vara. Nefndin hefur með höndum stjórn íþrótt-, tómstunda og æskulýðsmála. Nefndin fer m.a. með málefni skólagarða, leikjanámskeiða, vinnuskóla, ungmennaklúbba og tómstundstarf eldri borgara svo og íþróttamál allra aldurshópa. Einnig gerir nefndin tillögu að stefnumótun sveitarfélagsins í forvörnum og vinnur að þeim.
- b) *Ferða-, safna- og menningarnefnd*. Fimm aðalmenn og jafnmargir til vara. Nefndin fer með stefnumörkun í málefnum sem snúa að aðstöðu fyrir ferðamenn og markaðssetningu sveitarfélagsins sem eftirsóttur viðkomustaður. Nefndin fer einnig með stefnumörkun í menningarmálum og í safnamálum bæjarins, þ.m.t. málefni Byggðasafnsins á Garðskaga og bókasafns skv. 7. gr. laga um almenningsbókasöfn nr. 36/1997.
- c) *Skólanefnd*. Fimm aðalmenn og jafnmargir til vara. Nefndin fer með málefni grunnskóla, leikskóla og tónlistarskóla, sbr. 4. gr. laga um leikskóla nr. 90/2008, 6. gr. laga um grunnskóla nr. 91/2008 og 2. gr. laga um fjárhagslegan stuðning við tónlistarskóla nr. 75/1985.
- d) *Jafnréttisnefnd*. Þrír aðalmenn og jafnmargir til vara, sbr. 10. gr. laga um jafna stöðu og jafnan rétt kvenna og karla nr. 10/2008. Nefndin gerir einnig tillögu að stefnumótun í málefnum innflytjenda og vinnur að þeim.
- e) *Fjölskyldu- og velferðarnefnd Sandgerðisbæjar, Sveitarfélagsins Garðs og Sveitarfélagsins Voga*. Tvo menn og jafnmarga til vara í sameiginlega sjö manna nefnd Sandgerðisbæjar, Sveitarfélagsins Garðs og Sveitarfélagsins Voga, skv. 10. gr. barnaverndarlaga nr. 80/2002 og 5. gr. laga um félagsþjónustu sveitarfélaga nr. 40/1991.

4. Nefndir í samstarfi við önnur sveitarfélög og samtök sem sveitarfélagið á aðild að.

- a) *Almannavarnanefnd Suðurnesja*. Einn aðalmaður og einn til vara skv. 9. gr. laga um almannavarnir nr. 82/2008.
- b) *Heilbrigðisnefnd Suðurnesja*. Einn fulltrúi og einn til vara samkvæmt ákvæðum 11. gr. laga um hollustuhætti og mengunarvarnir nr. 7/1998.
- c) *Samband sveitarfélaga á Suðurnesjum*. Einn aðalmaður og einn til vara skv. 5. gr. samþykktar S.S.S. frá 1986.
- d) *Skólanefnd Fjölbrautaskóla Suðurnesja*. Stjórn Sambands sveitarfélaga á Suðurnesjum tilnefnir tvo fulltrúa í skólanefnd Fjölbrautaskóla Suðurnesja samkvæmt samkomulagi sveitarfélaganna þar um.
- e) *Stjórn dvalarheimila aldraðra*. Einn aðalmaður og einn til vara skv. 18. gr. laga um málefni aldraðra nr. 125/1999.
- f) *Stjórn Sorpeyðingarstöðvar Suðurnesja*. Einn aðalmaður og einn til vara, sbr. stofnsamning dagsettan í nóvember 1978.
- g) *Ferlinefnd fatlaðra á Suðurnesjum*. Einn aðalmaður og einn til vara, sbr. samþykkt Sambands sveitarfélaga á Suðurnesjum frá desember 1988.
- h) *Náttúruverndarnefnd*. Stjórn Sambands sveitarfélaga á Suðurnesjum tilnefnir í sameiginlega nefnd sveitarfélaganna, sbr. lög um náttúruvernd nr. 44/1999.
- i) *Þjónustuhópur aldraðra*. Stjórn Sambands sveitarfélaga á Suðurnesjum tilnefnir í þjónustuhóp aldraðra samkvæmt samkomulagi sveitarfélaganna þar um, sbr. lög um málefni aldraðra nr. 125/1999.
- j) *Brunavarnir Suðurnesja*. Einn aðalmaður og annar til vara skv. stofnsamningi.
- k) *Sameiginleg skipulagsnefnd um fyrrum varnarsvæði*. Nefndin er skipuð bæjarstjórnnum Reykjanesbæjar, Sandgerðisbæjar og Sveitarfélagsins Garðs. Nefndin vinnur að fjölgun atvinnutækifæra á Suðurnesjum.
- l) *Fulltrúi á landsþing Sambands íslenskra sveitarfélaga*. Einn aðalmaður og einn til vara sbr. 4. gr. laga Sambands íslenskra sveitarfélaga.

2. gr.

Samþykkt þessi sem bæjarstjórn Sveitarfélagsins Voga hefur sett, samkvæmt ákvæðum 10. gr. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

Innanríkisráðuneytinu, 5. apríl 2011.

F. h. r.

Hermann Sæmundsson.

Stefanía Traustadóttir.